

Den Memoria di Virgilio Kock: E politico

Riba 6 di maart 2016 Virgilio Kock a fayece. Virgilio Kock tabata un politico cu tabata masha conoci den su carera politico. Ora cu Virgilio a caba su estudio na Hulanda y a regresa Aruba como un di e prome ingenieronan Arubano na 1963 el a bay traha na D.O.W.

E prome contacto cu Virgilio a haya cu politica tabata como arkitekto. PPA a acerca Virgilio pa diseña e pedestal di e monumento di Juancho Irasuqion q.e.p.d. Esaki a inspira Virgilio bay riba lista di PPA y a bira presidente y lider di PPA. Durante e carera politico Virgilio tabatin e funcionnan di miembro di Eilandsraad, miembro di Parlamento di Antias y diputado di Obras Publico desde 1970 pa 1975. Den su periodo di Diputado e a logra e diferente proyectonan cu 2 di nan tabata esun mas grandi di gobierno insular pa Aruba cu ta Aeropuerto Reina Beatrix y Hospital Dr. H. Oduber.



munidad di Aruba tabatin mester di un hospital adecua pa Aruba. E comunidad pa motibo di crecimiento di turismo a crece. Na 1971 e desatoh publico a wordo haci y

Kock mes ta hende cu a bin for di un famia humilde. El a nace na Picaron anto tabata sa kico e tabata pa ta pover, no tin electricidad of awa. Su sabiduria y estudio a dun'e e oportunidad pa e por logra algo den bida. Como arkitekto y como politico e a logra pa haci un diferencia pa Aruba y comunidad. Nunca e tabata papia di esey pasobra pe esey no tabata importante. Virgilio Kock tabatin hopi otro funcion, manera



Comisario di Banco Central di Antias, Presidente di Volkskredietbank y tabata na Hulanda tambe pa e Conferencia di Mesa Rondo 1983. Despues di mas cu 20 aña den politica y a yuda su yiu muhe Monica Kock den po-

litica. Su experiencia, strategia y fe tabata un forza inolvidabel. Cu Virgilio Kock sosega na paz. Dedicar na nos tata cu den su periodo cortico como diputado a haci un diferencia.



Na 1970 Aruba tabatin solamente un aeropuerto chikito. Pa motibo cu Aruba a traha 3 hotel esaki a trece cun'e cu e bishita di turismo a aumenta drastico cu a resulta cu e pista di aterisaje y e aeropuerto tabata mucho chikito. Prome a expande e largura di e pista di aterisaje pa asina por acomoda avionnan Boeing. Despues a traha riba un aeropuerto nobo cu a wordo realisa na 1972. Esaki ta e aeropuerto actual cu a trece cun'e cu e turismo di Aruba por a sigui Aruba. Na momento di apertura yiu di Virgilio Kock por a carga e sker pa corta e sinta. Como invitado di honor tabata presente e astronaut Gordon Cooper.

E di dos proyecto cu a wordo realisa durante e periodo di diputado Virgilio Kock tabata un hospital nobo cu ta nos hospital existente. Co-

na aña 1972 a cuminsa cu a construcion di e hospital y esaki a finalisa na 1976. Bao guia di Virgilio Kock e dos edificio nan mas grandi e importante a wordo realisa.

Mas importante pa Virgilio tabata e casnan pa pueblo cu a wordo construi bao di e guia di diputado Virgilio Kock. E tabata kere fuertemente den e yuda hende y cu cada famia mester tin un cas. Den diferente bario bou di su guia casnan pa pueblo a wordo traha. Den periodo dificil Virgilio a bin cu TAF cu tabata duna hendenan trabao.

Su filosofia tabata, yuda un hende pa e por yuda su mes y bo ta logra esey logrando pa cada famia tabatin un persona cu tin trabao. Asina e por a yuda un famia. Virgilio

Benny Nisbet:

PPA ta di luto cu fayecimento di nos ex presidente sr. ing. Virgilio Kock

Cu dolor na nos curason, PPA a tuma nota di e fayecimento di sr. Ing. Virgilio Kock. Sr. Virgilio Kock a milita den seno di PPA entre 1967 pa 1985. Na aña 1967 Sr. Virgilio Kock a aparece riba lista di PPA y a bira miembro di Eilandsraad di Aruba. Na 1970 sr. Ing. Virgilio Kock a asumi e posicion di Diputado di Teritorio Insular di Aruba encarga cu e.o. D.O.W. cual posicion el a ocupa te na aña 1975. Na 1975 sr. Virgilio Kock a bira miembro di parlamento di Antias Hulandes cual posicion el a ocupa te na 1979.

Durante e periodo di 1977 pa 1979 Sr. Virgilio Kock tabata tambe "Lijsttrekker" y Presidente di PPA. Na 1979 el a wordo eligi un bes mas como miembro di Eilandsraad pa e periodo 1979

pa 1983. Durante e periodo aki el a sirbi tambe como Lider di fraccion di PPA den Eilandsraad di Aruba.

Durante su trayectoria e tabata tambe un arkitekto renombrado aki na Aruba durante cual periodo el a pone su 'stempel' riba varios proyecto unda su contribucion tabata grandi e.o. E kapel Emannuel na San Nicolas, Aeropuerto di Aruba y nos Hospital nobo di Aruba. El a ocupa tambe e posicion di director di D.O.W. pa varios aña. Sr. Virgilio Kock tabata tambe Comisario di Banco Central di Antias Hulandes y presidente di Volkskredietbank.

Un gran Arubiano a larga nos! Durante su trabao Ing. Virgilio Kock tabata eherce su trabao cu un amor grandi

pa sirbi su pais su pueblo y e organisacion cu e tabata representa. Memey di su seriedad y dinamismo semper e tabata tin espacio pa un chiste.....pero manteniendo e acento riba e seriedad necesario pa finalisa e trabao di representacion di su pueblo.

PPA ta manda palabranan di condolencia na su yiunan, su nietonan, su rumannan y demas famia y Amistad. Un gran Arubiano a bay sosega! Un bida dedica na sirbi su pais, construcion y creatividad y na su famia stima a yega na su final ora Todopoderoso a yama Sr. ing. Virgilio Kock den su Reino. PPA lo recorda e contribucion di sr. ing. Virgilio Kock na nos pais Aruba pa semper cu Ing., Virgilio Kock sosega na paz !